

漢書

人物全傳

[3]

「紀傳版二十六史」 國學網精校本
「東漢」 班固 撰



北京时代华文书局

漢書

人物全傳

[3]

列傳〔中〕

〔紀傳版二十六史〕 國學網精校本

〔東漢〕班固撰 周殿富主編 方銘點校



北京時代華文書局

目 录

第三卷 列传

卷五十八·公孙弘 卜式 兒宽	801
卷五十九·张汤 子安世 孙延寿	816
卷六十·杜周 子延年 孙缓 缓弟钦	831
卷六十一·张骞 李广利	848
卷六十二·司马迁	861
卷六十三·武五子	884
戾太子据 / 齐怀王閔 / 燕刺王旦 / 广陵厉王胥 / 昌邑哀王髡	
卷六十四上·严助 朱买臣 吾丘寿王 主父偃 徐乐	906
卷六十四下·严安 终军 王褒 贾捐之	928
卷六十五·东方朔	949
卷六十六·公孙贺 子敬声 刘屈氂 车千秋 王訢 杨敞 子惲 蔡义 陈万年 子咸 郑弘	973
卷六十七·杨王孙 胡建 朱云 梅福 云敞	993
卷六十八·霍光 金日磾 子安上	1009
卷六十九·赵充国 辛庆忌	1034
卷七十·傅介子 常惠 郑吉 甘延寿 陈汤 段会宗	1054
卷七十一·隽不疑 疏广 兄子受 于定国 薛广德 平当 彭宣	1076

卷七十二·王吉	子骏 孙崇 贡禹 龚胜 龚舍	
鲍宣	唐林 薛方	1090
卷七十三·韦贤	子玄成	1120
卷七十四·魏相	丙吉	1142
卷七十五·眭弘	夏侯始昌 夏侯胜 京房 翼奉 李寻	1155
卷七十六·赵广汉	尹翁归 韩延寿 张敞 王尊 王章	1186
卷七十七·盖宽饶	诸葛丰 刘辅 郑崇 孙宝 毋将隆	
何並		1215
卷七十八·萧望之	子育 子咸 子由	1234
卷七十九·冯奉世	子野王 子遂 子立 子参	1250
卷八十·宣元六王		1261
淮阳宪王钦 / 楚孝王嚣 / 东平思王宇 / 中山哀王竟 定陶共王康 / 中山孝王兴		
卷八十一·匡衡	张禹 孔光 马宫	1274
卷八十二·王商	史丹 傅喜	1300
卷八十三·薛宣	朱博	1310
卷八十四·翟方进	子宣 子义	1328
卷八十五·谷永	杜邺	1350

公孙弘 卜式 兒宽

公孙弘，菑川薛人也。少时为狱吏，有罪，免。家贫，牧豕海上。年四十余，乃学《春秋》杂说。

武帝初即位，招贤良文学士，是时弘年六十，以贤良征为博士。使匈奴，还报，不合意^①，上怒，以为不能，弘乃移病免归^②。

①师古曰：“奏事不合天子之意。”②师古曰：“移病，谓移书言病也。一曰，以病移居。”

元光五年，复征贤良文学，菑川国复推上弘。弘谢曰：“前已尝西，用不能罢，愿更选。”国人固推弘，弘至太常。上策诏诸儒：

制曰：盖闻上古至治，画衣冠，异章服，而民不犯；阴阳和，五谷登，六畜蕃^①，甘露降，风雨时，嘉禾兴，朱中生^②，山不童，泽不涸^③；麟凤在郊薮，龟龙游于沼^④，河洛出图书；父不丧子，兄不哭弟；北发渠搜，南抚交趾^⑤，舟车所至，人迹所及，跂行喙息，咸得其宜^⑥。朕甚嘉之，今何道而臻乎此^⑦？子大夫修先圣之术，明君臣之义，讲论洽闻，有声乎当世，敢问子大夫：天人之道，何所本始？吉凶之效，安所期焉^⑧？禹、汤水旱，厥咎何由？仁义礼知四者之宜，当安设施？属统垂业，物鬼

变化^⑨，天命之符，废兴何如？天文地理人事之纪，子大夫习焉。其悉意正议，详具其对，著之于篇^⑩，朕将亲览焉，靡有所隐。

①师古曰：“登，成也。蕃，多也，音扶元反。”②师古曰：

“中，古草字。”③师古曰：“童，无草木也。涸，水竭也，音

胡各反。”④师古曰：“邑外谓之郊。泽无水曰藪。沼，池也。”

⑤师古曰：“言威德之盛，北则征发于渠搜，南则绥抚于交阯

也。渠搜，远夷之国也。”⑥师古曰：“跂行，有足而行者也。

喙息，谓有口能息者也。跂音岐。喙音许移反。”⑦师古曰：

“臻，至也。”⑧师古曰：“安，焉也。”⑨师古曰：“属，系也，

音之欲反。其下亦同。”⑩师古曰：“悉，尽也。篇，简也。”

弘对曰：

臣闻上古尧舜之时，不贵爵赏而民劝善，不重刑罚而民不犯，躬率以正而遇民信也^①；末世贵爵厚赏而民不劝，深刑重罚而奸不止，其上不正，遇民不信也。夫厚赏重刑未足以劝善而禁非，必信而已矣。是故因能任官，则分职治^②；去无用之言，则事情得；不作无用之器，即赋敛省；不夺民时，不妨民力，则百姓富；有德者进，无德者退，则朝廷尊；有功者上，无功者下，则群臣竣^③；罚当罪，则奸邪止；赏当贤，则臣下劝；凡此八者，治民之本也。故民者，业之即不争，理得则不怨；有礼则不暴，爱之则亲上^④，此有天下之急者也。故法不远义，则民服而不离；和不远礼，则民亲而不暴^⑤。故法之所罚，义之所去也^⑥；和之所赏，礼之所取也。礼义者，民之所服也，而赏罚顺之，则民不犯禁矣。故画衣冠，异章服，而民不犯者，此道素行也。

①师古曰：“躬谓身亲行之，遇谓处待之而已。”②师古曰：

“分音扶问反。”③李奇曰：“言有次第也。”师古曰：“逡音七旬反，其字从辵。”④师古曰：“各得其业则无争心，各申其理则无所怨，使之由理则无暴慢，子而爱之则知亲上也。”⑤师古曰：“远，违也，音于万反。”⑥师古曰：“去，除也，音丘吕反。”

臣闻之，气同则从，声比则应^①。今人主和德于上，百姓和合于下^②，故心和则气和，气和则形和，形和则声和，声和则天地之和应矣。故阴阳和，风雨时，甘露降，五谷登，六畜蕃，嘉禾兴，朱草生，山不童，泽不涸，此和之至也。故形和则无疾，无疾则不夭，故父不丧子，兄不哭弟。德配天地，明并日月，则麟凤至，龟龙在郊，河出图，洛出书，远方之君莫不说义^③，奉币而来朝，此和之极也。

①师古曰：“比亦和也，音频寐反。”②师古曰：“合谓与上合德也。”③师古曰：“说读曰悦。”

臣闻之，仁者爱也，义者宜也，礼者所履也^①，智者术之原也。致利除害，兼爱无私，谓之仁^②；明是非，立可否，谓之义；进退有度，尊卑有分，谓之礼^③；擅杀生之柄，通壅塞之途^④，权轻重之数，论得失之道，使远近情伪必见于上，谓之术^⑤；凡此四者，治之本，道之用也，皆当设施，不可废也。得其要，则天下安乐，法设而不用^⑥；不得其术，则主蔽于上，官乱于下。此事之情，属统垂业之本也。

①师古曰：“履而行之。”②师古曰：“致谓引而至也。”③师古曰：“分音扶问反。”④师古曰：“擅，专也。”⑤师古曰：“见，显也。”⑥师古曰：“下不犯法，无所加刑也。”

臣闻尧遭鸿水，使禹治之，未闻禹之有水也。若汤之

旱，则桀之余烈也。桀纣行恶，受天之罚；禹汤积德，以王天下。因此观之，天德无私亲，顺之和起，逆之害生。此天文地理人事之纪。臣弘愚戆，不足以奉大对^①。

①师古曰：“大对，大问之对也。”

时对者百余人，太常奏弘第居下。策奏，天子擢弘对为第一。召入见，容貌甚丽，拜为博士，待诏金马门^①。

①如淳曰：“武帝时，相马者东门京作铜马法献之，立马于鲁班门外，更名鲁班门为金马门。”

弘复上疏曰：“陛下有先圣之位而无先圣之名，有先圣之名而无先圣之吏，是以势同而治异。先世之吏正，故其民笃^①；今世之吏邪，故其民薄。政弊而不行，令倦而不听。夫使邪吏行弊政，用倦令治薄民，民不可得而化，此治之所以异也。臣闻周公旦治天下，期年而变，三年而化，五年而定。唯陛下之所志^②。”书奏，天子以册书答曰：“问：弘称周公之治，弘之材能自视孰与周公贤^③？”弘对曰：“愚臣浅薄，安敢比材于周公！虽然，愚心晓然见治道之可以然也。夫虎豹马牛，禽兽之不可制者也，及其教驯服习之^④，至可牵持驾服，唯人之从^⑤。臣闻揉曲木者不累日^⑥，销金石者不累月，夫人之于利害好恶，岂比禽兽木石之类哉^⑦？期年而变，臣弘尚窃迟之。”上异其言。

①师古曰：“笃，厚也。”②师古曰：“言志所在也。”③师古曰：“与犹如也。”④师古曰：“驯，顺也，音巡。”⑤师古曰：“从人意。”⑥师古曰：“揉谓矫而正之也。异，积也。揉音人九反。”⑦师古曰：“好音呼到反。恶音一故反。”

时方通西南夷，巴蜀苦之，诏使弘视焉。还奏事，盛毁西南夷无所用，上不听。每朝会议，开陈其端，使人主

自擇，不肯面折庭爭。于是上察其行慎厚，辯論有余，習文法吏事，緣飾以儒術^①，上說之^②，一歲中至左內史。

①師古曰：“緣飾者，譬之于衣，加純緣者。”②師古曰：“說讀曰悅。”

弘奏事，有所不可，不肯庭辯^①。常與主爵都尉汲黯請間^②，黯先發之，弘推其後，上常說^③，所言皆聽，以此日益親貴。嘗與公卿約議^④，至上前，皆背其約以順上指。汲黯庭詰弘曰：“齊人多詐而無情，始為與臣等建此議，今皆背之，不忠。”上問弘，弘謝曰：“夫知臣者以臣為忠，不知臣者以臣為不忠。”上然弘言。左右幸臣每毀弘，上益厚遇之。

①師古曰：“不于朝廷顯辯論之。”②師古曰：“求空隙之暇。”

③師古曰：“說讀曰悅。”④師古曰：“約，要也。”

弘為人談笑多聞^①，常稱以為人主病不廣大，人臣病不儉節。養後母孝謹，後母卒，服喪三年。

①師古曰：“善于談笑而又多聞也。談字或作談，音恢，謂啁也，善啁謔也。”

為內史數年，遷御史大夫。時又東置蒼海，北筑朔方之郡。弘數諫，以為罷弊中國以奉無用之地^①，愿罷之。于是上乃使朱買臣等難弘置朔方之便。發十策，弘不得一^②。弘乃謝曰：“山東鄙人，不知其便若是，愿罷西南夷、蒼海，專奉朔方。”上乃許之。

①師古曰：“罷讀曰疲。”②師古曰：“言其利害十條，弘無以應之。”

汲黯曰：“弘位在三公，奉祿甚多^①，然為布被，此詐也。”上問弘，弘謝曰：“有之。夫九卿與臣善者無過黯，然今日庭詰弘，誠中弘之病。夫以三公為布被，誠飾詐欲

以钧名^②。且臣闻管仲相齐，有三归^③，侈拟于君^④，桓公以霸，亦上僭于君。晏婴相景公，食不重肉，妾不衣丝，齐国亦治，亦下比于民^⑤。今臣弘位为御史大夫，为布被，自九卿以下至于小吏无差，诚如黯言。且无黯，陛下安闻此言？”上以为有让，愈益贤之。

①师古曰：“奉音扶用反。其下亦同。”②师古曰：“钧，取也。

言若钓鱼之谓也。”③师古曰：“三归，取三姓女也。妇人谓嫁

曰归。”④师古曰：“拟，疑也，言相似也。”⑤师古曰：“比，

方也。一曰，比，近也，音频寐反。”

元朔中，代薛泽为丞相。先是，汉常以列侯为丞相，唯弘无爵，上于是下诏曰：“朕嘉先圣之道，开广门路，宣招四方之士，盖古者任贤而序位，量能以授官，劳大者厥禄厚，德盛者获爵尊，故武功以显重，而文德以行褒。其以高成之平津乡户六百五十封丞相弘为平津侯。”其后以为故事，至丞相封，自弘始也。

时上方兴功业，娄举贤良^①。弘自见为举首，起徒步，数年至宰相封侯，于是起客馆，开东阁以延贤人^②，与参谋议。弘身食一肉，脱粟饭^③，故人宾客仰衣食^④，奉禄皆以给之，家无所余。然其性意忌，外宽内深^⑤。诸常与弘有隙，无近远，虽阳与善，后竟报其过。杀主父偃，徙董仲舒胶西，皆弘力也。

①师古曰：“娄，古屡字。”②师古曰：“阁者，小门也，东向

开之，避当庭门而引宾客，以别于掾史官属也。”③师古曰：

“才脱粟而已，不精粢也。脱音他活反。”④师古曰：“故人，

平生故交也。仰音牛向反。”⑤师古曰：“意忌，多所忌害也。”

后淮南、衡山谋反，治党与方急，弘病甚，自以为无功而封侯，居宰相位，宜佐明主填抚国家^①，使人由臣子

之道^②。今諸侯有畔逆之計，此大臣奉職不稱也^③。恐病死無以塞責^④，乃上書曰：“臣聞天下通道五，所以行之者三。君臣、父子、夫婦、長幼、朋友之交，五者天下之通道也；仁、知、勇三者，所以行之也。故曰‘好問近乎知^⑤，力行近乎仁^⑥，知耻近乎勇^⑦：知此三者，知所以自治；知所以自治，然後知所以治人^⑧’。未有不能自治而能治人者也。陛下躬孝弟，監三王，建周道，兼文武，招來四方之士，任賢序位，量能授官，將以厉百姓勸賢材也。今臣愚駑，無汗馬之勞^⑨，陛下過意擢臣弘卒伍之中^⑩，封為列侯，致位三公。臣弘行能不足以稱^⑪，加有負薪之疾，恐先狗馬填溝壑，終無以報德塞責。願歸侯，乞骸骨，避賢者路。”上報曰：“古者賞有功，褒有德，守成上文，遭遇右武^⑫，未有易此者也^⑬。朕夙夜庶幾，獲承至尊，懼不能寧，惟所與共為治者，君宜知之^⑭。蓋君子善善及後世，若茲行，常在朕躬^⑮。君不幸罹霜露之疾，何恙不已^⑯，乃上書歸侯，乞骸骨，是章朕之不德也^⑰。今事少閒^⑱，君其存精神，止念慮，輔助醫藥以自持。”因賜告牛酒雜帛。居數月，有瘳，視事。

- ①師古曰：“填音竹刃反。” ②師古曰：“由，從也。” ③師古曰：“稱，副也。” ④師古曰：“塞，當也。” ⑤師古曰：“疑則問之，故成其智。” ⑥師古曰：“屈己濟物，故為仁也。” ⑦師古曰：“不求苟得，故為勇也。” ⑧師古曰：“自‘好問近乎知’以下，皆《禮記·中庸》之辭。” ⑨師古曰：“言未嘗從軍旅。” ⑩師古曰：“過猶誤也。” ⑪師古曰：“不副其任也。” ⑫師古曰：“右亦上也，禍亂時則上武耳。” ⑬師古曰：“易，改也。” ⑭師古曰：“惟，思也。知謂知治道也。” ⑮師古曰：“朕常思此，不息于心也。” ⑯師古曰：“罹，遭也。恙，忧也。已，止

也。言何忧于疾不止也。《礼记》曰“疾止复初”也。”①⑦师古曰：“章，明也。”①⑧师古曰：“閒言有空隙也。閒读曰闲。”

凡为丞相御史六岁，年八十，终丞相位。其后李蔡、严青翟、赵周、石庆、公孙贺、刘屈氂继踵为丞相①。自蔡至庆，丞相府客馆丘虚而已②，至贺、屈氂时坏以为马厩车库奴婢室矣，唯庆以惇谨，复终相位③，其余尽伏诛云。

①师古曰：“继踵，言相蹑也。屈音丘勿反，又钜勿反。氂音力之反。”②师古曰：“言不能进贤，故不缮修其室屋也。虚读曰虚。”③师古曰：“惇，厚也，音敦。”

弘子度嗣侯，为山阳太守十余岁，诏征钜野令史成诣公车，度留不遣，坐论为城旦。

元始中，修功臣后，下诏曰：“汉兴以来，股肱在位，身行俭约，轻财重义，未有若公孙弘者也。位在宰相封侯，而为布被脱粟之饭，奉禄以给故人宾客，无有所余，可谓减于制度①，而率下笃俗者也②，与内富厚而外为诡服以钓虚誉者殊科③。夫表德章义，所以率世厉俗，圣王之制也。其赐弘后子孙之次见为适者④，爵关内侯，食邑三百户。”

①应劭曰：“礼，贵有常尊，衣服有品。”②师古曰：“笃，厚也。”③师古曰：“诡，违也。诡服，谓与心志相违也。一曰，违众之服也。”④师古曰：“见音胡电反。适读曰嫡。”

卜式，河南人也。以田畜为事。有少弟，弟壮，式脱身出①，独取畜羊百余，田宅财物尽与弟。式入山牧，十余年，羊致千余头，买田宅。而弟尽破其产，式辄复分与弟者数矣②。

①师古曰：“脱身谓引身出也。脱音他活反。”②师古曰：“数

音所角反。”

时汉方事匈奴，式上书，愿输家财半助边。上使使问式：“欲为官乎？”式曰：“自小牧羊，不习仕宦，不愿也。”使者曰：“家岂有冤，欲言事乎？”式曰：“臣生与人亡所争，邑人贫者贷之^①，不善者教之，所居，人皆从式，式何故见冤！”使者曰：“苟，子何欲^②？”式曰：“天子诛匈奴，愚以为贤者宜死节，有财者宜输之，如此而匈奴可灭也。”使者以闻。上以语丞相弘。弘曰：“此非人情。不轨之臣^③不可以为化而乱法，愿陛下勿许。”上不报，数岁乃罢式。式归，复田牧。

①师古曰：“贷音土戴反。”②师古曰：“言子苟如此输财，必有所欲。”③师古曰：“轨亦法也。”

岁余，会浑邪等降，县官费众，仓府空^①，贫民大徙，皆印给县官^②，无以尽贍。式复持钱二十万与河南太守，以给徙民。河南上富人助贫民者，上识式姓名，曰：“是固前欲输其家半财助边。”乃赐式外繇四百人^③，式又尽复与官。是时富豪皆争匿财^④，唯式尤欲助费。上于是以式终长者，乃召拜式为中郎，赐爵左庶长^⑤，田十顷，布告天下，尊显以风百姓^⑥。

①师古曰：“仓，粟所积也。府，钱所聚也。”②师古曰：“印音牛向反。”③苏林曰：“外繇谓戍边也。一人出三百钱，谓之过更。式岁得十二万钱也。一说，在繇役之外得复除四百人也。”师古曰：“一说是。”④师古曰：“匿，藏也。”⑤师古曰：“第十爵。”⑥师古曰：“风读曰讽。”

初式不愿为郎，上曰：“吾有羊在上林中，欲令子牧之。”式既为郎，布衣草屣而牧羊^①。岁余，羊肥息^②。上过其羊所，善之。式曰：“非独羊也，治民亦犹是矣。以

时起居，恶者辄去^③，毋令败群。”上奇其言，欲试使治民。拜式侯氏令，侯氏便之；迁成皋令，将漕最^④。上以式朴忠^⑤，拜为齐王太傅，转为相。

①师古曰：“蹻，即今之鞋也，南方谓之蹻。字本作屩，并音居略反。”②师古曰：“息，生也。言羊既肥而又生多也。”③师古曰：“去，除也，音丘巨反。”④师古曰：“为县令而又使领漕，其课最上。”⑤师古曰：“朴，质也。”

会吕嘉反，式上书曰：“臣闻主愧臣死。群臣宜尽死节，其弩下者宜出财以佐军，如是则强国不犯之道也^①。臣愿与子男^②及临菑习弩博昌习船者请行死之，以尽臣节^③。”上贤之，下诏曰：“朕闻报德以德，报怨以直^④。今天下不幸有事，郡县诸侯未有奋繇直道者也^⑤。齐相雅行躬耕^⑥，随牧蓄番，辄分昆弟，更造^⑦，不为利惑^⑧。日者北边有兴^⑨，上书助官。往年西河岁恶，率齐人入粟^⑩。今又首奋^⑪，虽未战，可谓义形于内矣^⑫。其赐式爵关内侯，黄金四十斤，田十顷，布告天下，使明知之。”

①师古曰：“国家威强而不见侵犯。”②师古曰：“子男，自谓其子也。”③师古曰：“从军而致死。”④师古曰：“《论语》称孔子曰‘以直报怨，以德报德’，故诏引之。”⑤孟康曰：“未有奋迅乐出身劳于徭役者也。”臣瓚曰：“言未有奋厉于正直之道也。”师古曰：“二说皆非也。奋，愤激也。繇读与由同。由，从也。直道，谓报怨以直，征南越也。言无欲奋厉而从于报怨之道也。”⑥臣瓚曰：“雅，素也。言卜式躬耕于野，不要名利。”晋灼曰：“雅，正也。”师古曰：“晋说是也。言其行雅正，又躬耕也。”⑦师古曰：“言其畜牧滋多，则与昆弟，而更自营为也。番音扶元反。”⑧师古曰：“言不惑于利。”⑨师古曰：“日者，往日也。兴谓发军。”⑩师古曰：“岁恶，犹凶岁也。《礼记》曰‘岁凶，年谷不登’。”⑪师古曰：“为首而奋

厉，愿从军也。”⑫师古曰：“形，见也。”

元鼎中，征式代石庆为御史大夫。式既在位，言郡国不便盐铁而船有算，可罢。上由是不说式①。明年当封禅，式又不习文章，贬秩为太子太傅，以兒宽代之。式以寿终。

①师古曰：“说读曰悦。”

兒宽，千乘人也①。治《尚书》，事欧阳生。以郡国选诣博士，受业孔安国。贫无资用，尝为弟子都养②。时行赁作，带经而锄，休息辄读诵，其精如此。以射策为掌故，功次，补廷尉文学卒史③。

①师古曰：“千乘郡千乘县也。兒音五奚反。”②师古曰：“都，凡众也。养，主给烹炊者也。贫无资用，故供诸弟子烹炊也。养音弋向反。”③苏林曰：“秩六百石，旧郡亦有也。”臣瓚曰：“《汉注》卒史秩百石。”师古曰：“瓚说是也。”

宽为人温良，有廉知自将①，善属文②，然懦于武③，口弗能发明也。时张汤为廷尉，廷尉府尽用文史法律之吏④，而宽以儒生在其间，见谓不习事，不署曹⑤，除为从史⑥，之北地视畜数年⑦。还至府，上畜簿⑧，会廷尉时有疑奏，已再见却矣⑨，掾史莫知所为。宽为言其意，掾史因使宽为奏。奏成，读之皆服，以白廷尉汤。汤大惊，召宽与语，乃奇其材，以为掾。上宽所作奏，即时得可。异日，汤见上。问曰：“前奏非俗吏所及，谁为之者？汤言兒宽。上曰：“吾固闻之久矣。”汤由是乡学⑩，以宽为奏讞掾，以古法义决疑狱，甚重之。及汤为御史大夫，以宽为掾，举侍御史。见上，语经学。上说之⑪，从问《尚书》一篇。擢为中大夫，迁左内史。

①师古曰：“将，卫也，以智自卫护也。”②师古曰：“属，缀

也，音之欲反。”③师古曰：“懦，柔也，音乃唤反，又音儒。”④师古曰：“史谓善史书者。”⑤张晏曰：“不署为列曹也。”师古曰：“署，表也，置也。凡言署官，表其秩位，置立为之也。”⑥师古曰：“从史者，但只随官僚，不主文书。”⑦师古曰：“之，往也。畜谓廷尉之畜在北地者，若今诸司公廨牛羊。”⑧师古曰：“簿谓文计也。”⑨师古曰：“却，退也。”⑩师古曰：“乡读曰向。”⑪师古曰：“说读曰悦。”

宽既治民，劝农业，缓刑罚，理狱讼，卑体下士，务在于得人心^①；择用仁厚士，推情与下，不求名声，吏民大信爱之。宽表奏开六辅渠^②，定水令以广溉田^③。收租税，时裁阔狭，与民相假贷^④，以故租多不入。后有军发，左内史以负租课殿，当免。民闻当免，皆恐失之，大家牛车，小家担负，输租襁属不绝^⑤，课更以最。上由此愈奇宽。

①师古曰：“下音胡稼反。”②韦昭曰：“六辅谓京兆、冯翊、扶风、河东、河南、河内也。”刘德曰：“于六辅界中为渠也。”师古曰：“二说皆非也。《沟洫志》云‘兒宽为左内史，奏请穿六辅渠以益溉郑国旁高仰之田’，此则于郑国渠上流南岸更开六道小渠以辅助溉灌耳。今雍州云阳、三原两县界此渠尚存，乡人名曰六渠，亦号辅渠。故《河渠书》云‘关内则辅渠、灵轶’是也，焉说三河之地哉！”③师古曰：“为用水之次具立法，令皆得其所也。”④师古曰：“谓有贫弱及农要之时不即征收也。贷音土代反。”⑤师古曰：“襁，索也，言输者接连，不绝于道，若绳索之相属也，犹今言续索矣。属音之欲反。”

及议欲放古巡狩封禅之事^①，诸儒对者五十余人，未能有所定。先是，司马相如病死，有遗书，颂功德，言符瑞，足以封泰山。上奇其书，以问宽，宽对曰：“陛下躬发圣德，统辑群元^②，宗祀天地，荐礼百神，精神所乡，

征兆必报^③，天地并应，符瑞昭明。其封泰山，禅梁父，昭姓考瑞，帝王之盛节也。然享荐之义，不著于经^④，以为封禅告成，合祛于天地神祇^⑤，祇戒精专以接神明。总百官之职，各称事宜而为之节文^⑥。唯圣主所由，制定其当^⑦，非群臣之所能列。今将举大事，优游数年^⑧，使群臣得人自尽，终莫能成^⑨。唯天子建中和之极，兼总条贯^⑩，金声而玉振之^⑪，以顺成天庆，垂万世之基。”上然之，乃自制仪，采儒术以文焉。

- ①师古曰：“放，依也，音甫往反。” ②张晏曰：“统，察；辑，聚也。”如淳曰：“历数之元也。”臣瓚曰：“统犹总览也。辑当作辑。”师古曰：“辑、辑与集，三字并同。《虞书》曰‘辑五瑞’是也，其字从木。瓚曰当为辑，不通。” ③师古曰：“乡读曰向。征，证也。” ④师古曰：“封禅之享荐也，以非常礼，故经无其文。着音竹箬反。” ⑤李奇曰：“祛，开散；合，闭也。开闭于天地也。” ⑥师古曰：“称，副也。” ⑦师古曰：“当犹中也。” ⑧师古曰：“言不决也。” ⑨师古曰：“所言不同，各有执见也。” ⑩师古曰：“极，正也。《周礼》曰‘以为人极’也。” ⑪师古曰：“言振扬德音，如金玉之声也。”

既成，将用事，拜宽为御史大夫，从东封泰山，还登明堂。宽上寿曰：“臣闻三代改制，属象相因^①。间者圣统废绝^②，陛下发愤，合指天地，祖立明堂辟雍^③，宗祀泰一^④，六律五声^⑤，幽赞圣意^⑥，神乐四合，各有方象^⑦，以丞嘉祀，为万世则^⑧，天下幸甚。将建大元本瑞，登告岱宗，发祉闾门，以候景至。癸亥宗祀，日宣重光；上元甲子，肃邕永享^⑨。光辉充塞，天文粲然^⑩，见象日昭，报降符应^⑪。臣宽奉觴再拜，上千万岁寿。”制曰：“敬举君之觴。”